

樂府雅詞

卷中



樂府雅詞卷中

周美成 二十九首

陳瑩中 十七首

徐師川 十七首

賀方回 四十六首

舒信道 四十八首

葉少蘊 五十五首

趙德麟 二十三首

王履道 十八首

晁次膺 十九首

晁叔用 十四首

樂府雅詞

目錄



樂府雅詞卷中

周美成 二十九首

陳瑩中 十七首

徐師川 十七首

賀方回 四十六首

舒信道 四十八首

葉少蘊 五十五首

趙德麟 二十三首

王履道 十八首

晁次膺 十九首

晁叔用 十四首

樂府雅詞卷中

周美成

案周邦彥字美成自號清真居士錢塘人有片玉詞三卷

蘭陵王

柳陰直。煙裏絲絲弄碧。隋堤上、曾見幾番、拂水飄綿

送行色。登臨望故國。誰識惜一作京華倦客。長亭路、年

去歲來。攀折柔條過千尺。閒尋舊蹤跡。又酒趁哀

絃。燈照離席。梨花榆火催寒食。愁一箭風快，半篙波

煖。迴頭迢遞。便數驛望入在天北。悽惻恨堆積。漸

別浦縈迴。津堠岑寂。斜陽冉冉春無極。念月榭攜手

露橋聞笛。追思前事，似夢裏、淚暗滴。

樂府雅詞

卷中  
周美成

瑞龍吟

章臺路。還見褪粉梅梢，試華桃樹。愔愔坊陌人家，定

巢燕子。歸來舊處。黯凝竚。因記一作箇人癡小。乍

窺門戶。清晨淺約宮黃。障風映袖，盈盈笑語。前度

劉郎重到，訪隣尋里，同時歌舞。惟有舊家秋娘，聲價

如故。吟牋賦筆，猶記燕臺句。知誰伴、名園露飲，東城

閑步。事與孤鴻去。探春盡、是傷離意緒。官柳低金縷。

歸騎晚。纖纖池塘飛雨。斷腸院落，一簾風絮。案黃昇

前兩段雙拽頭屬正平調後一段犯大石調歸騎晚以下仍屬正平調一本於聲價如故分段

慶宮春

天

一作雲

接平岡。山圍寒野。路長乍轉。

一作路迴漸轉

孤城衰

柳啼鴉。驚風過鴈。動人一片秋聲。倦途休駕。淡煙裏

微茫見。塵埃憔悴。生怕黃昏。離思牽縈。華堂舊

日逢迎。花豔參差。香霧飄零。絃管當頭。惟他絕藝。

一作偏憐夜深簧暖笙清。眼波傳意。恨密約忽忽未成。許

多煩惱。都為當時一餉心。一作雷情。

### 風流子

新淥小池塘。風簾動。碎影舞斜陽。羨金屋去來。舊時

巢燕。土花繚遶。前度莓牆。繡閣裏。鳳幃深幾許。聽得

理絲簧。欲說又休。慮垂芳信。未歌先咽。愁近清商。

樂府雅詞

卷中 周美成

二

暗想新粧。了開朱戶。應是待月西廡。苦恨夢魂。今宵

不到伊行。問甚時。卻與佳音密耗。暗將潘鬢。偷換韓

香。天便教人。霎時相見何妨。

### 滿庭芳

風老鶯雛。雨肥梅子。午陰槐影。一作嘉樹清圓地。卑山近

衣潤。費爐煙。人去烏鷺自樂。小橋外。新淥濺濺。凭欄

久。黃蘆苦竹。疑泛九江船。年年如社燕。飄流瀚海。

來寄修椽。且莫思身外。長近樽前。憔悴江南倦客。不

堪聽。急管危一作繁絃。歌筵畔。先安簟枕。容我醉時眠。

### 花犯

粉墻低。梅花照眼。依然舊風味。露痕輕綴。疑淨洗鉛華。無限清麗。去年勝賞曾孤倚。水盞同宴喜。更可惜。雪中高士。一作樹香篝薰素被。今年對花最忽忽。相逢似有恨。依依愁額。凝望久。青苔上。旋看飛雪。相見脆圓薦酒。人正在。空江煙浪裏。但夢想一枝瀟灑。黃昏斜照水。

隔浦蓮

新簧搖動翠葆。曲逕通深杳。夏果收新脆。金丸落。驚飛鳥。濃靄迷岸草。蛙聲鬧。暴一作驟雨鳴池沼。水亭

小浮萍破處。簷花簾影顛倒。綸巾羽扇。困卧北窗清

樂府推詞

卷中  
周美成

三

曉屏裏。吳山夢自到。驚覺。依然身在江表。

定風波

莫倚能歌歛黛眉。此歌能有幾人知。他日風前一作相逢

花月底。重理好聲。須記得來時。苦恨城頭傳漏永。

催起起字與永字不叶韻無情。那解惜相思。莫訴金樽推玉臂。

從醉明朝有酒遣誰持。案宋本無能起二字。相思作分飛。

少年遊

并刀如水。吳鹽勝雪。纖指割新橙。錦幄初溫。獸香不  
斷。相對坐調笙。低聲問向誰邊。城上已三更。馬

滑霜濃。不如休去。直自少人行。

秋藥香令

乳鴨池塘煙暖。風緊柳花迎。而午。麝粉指印窗眼。曲  
裏長眉翠淺。聞知社日停鍼線。採新燕。寶釵落枕。  
夢春一作春夢遠。簾影參差滿院。

意難忘

衣染鶯黃。愛停歌駐客。一作拍勸酒持觴。低鬟蟬影動。

私語口脂香。蓮露冷竹風涼。拚劇飲淋漓。漏漸深。移

燈背壁。一作籠燈就月細與端相。知音見說無雙。解移宮

換徵。未怕周郎顰眉。一作長顰知有恨。貪耍不成。粗些箇

事惱心腸。待說與何妨。又恐伊尋消問息。瘦損容光。

樂府雅詞

卷中  
周美成

四

點絳脣

遼鶴重來。故鄉多少傷心地。錦書不寄。魚浪空千里。  
憑仗桃根。說與淒涼意。愁無際。舊時衣袂。猶有東

風一作風門

風流子

楓林凋晚葉。關河迥。楚客慘將歸。望一川暝靄。鴈聲  
哀怨。半規涼月。人影參差。酒醒後。淚花銷。鳳蠟風幙  
卷金泥。砧杵韻高。喚迴殘夢。綺羅香滅。牽起餘悲。  
亭臯分袂。地難堪處。偏是掩面牽衣。何況怨懷長結。  
重見無期。想寄恨書中。銀鈎空滿。斷腸聲裏。玉筍偷

垂多少舊愁密意惟有天知

### 齊天樂

綠蕪彫盡臺城路。殊鄉又逢秋晚。暮雨生寒，鳴蛙勸織深閣。時聞裁翦。雲窗靜掩，嘆重拂羅裯。頓疎花簞尚有練囊。露螢清夜照書卷。荆江畱滯最久，故人相望處，離思何限。渭水西風，長安亂葉，空憶詩情宛轉。凭高眺遠。正淥玉一作液新，鷗蟹初薦。醉倒山翁，但愁斜照斂。

### 早梅芳近

繡牆深叢竹繞。宴席臨清沼。微呈纖履，故隱烘簾自

樂府雅詞

卷中  
周美成

五

嬉笑。粉香粧暈薄帶緊腰圍小。嘆鴻驚鳳翥，滿座看輕妙。酒醒時會散了。迴首城南道。河陰高轉露脚斜。飛夜將曉。異鄉淹歲月，醉眼迷登眺。路迢迢。恨滿千里草。

### 水龍吟

素肌應怯餘寒。豔陽占立青蕪地。樊川照日，靈關遮路，殘紅斂避。傳火樓臺，妬花風雨，長門深閉。亞簾櫳半濕。一枝在手，偏勾引黃昏淚。別有風前月底。布繁陰滿。鬪歌吹。朱鉛退盡潘郎。如一作卻酒昭君乍起。雪浪翻空，粉裳縞夜，不成春思。恨玉容不見瓊英謾

好與何人比。

品令

夜闌人靜。月痕寄梅梢。疎影簾外。曲角闌干。近舊攜  
手處。花霧寒成陣。應是不禁愁與恨。縱相逢難問。  
黛眉曾把春衫印。後期無定。腸斷香銷盡。

月中行

蜀絲趁日染乾紅。微暖面脂融。博山細炷。靄房櫳。靜  
著打窗蟲。愁多膽怯疑虛幙。聲不斷。暮景疎鐘。團  
圍四壁。小屏風。淚盡夢啼中。

虞美人

樂府雜詞

卷中  
周美成

六

疎籬曲徑。田家小。雲樹開秋曉。天寒山色有無中。野  
外一聲鐘起。送孤蓬。添衣策馬尋亭堠。愁抱惟宜  
酒。菰蒲睡鴨。占陂塘。疑一作被行人驚散。一作成  
雙。

又

玉觴纔掩朱絃悄。彈指壺天曉。回頭猶認倚牆花。只  
向小橋南畔。便天涯。銀蟾依舊當窗滿。顧影魂先  
斷。淒風休颭。半殘燈。擬倩今宵歸夢到雲屏。

少年游

簷牙縹緲。小紅樓。涼月掛銀鈎。照席笙歌。透簾燈火。

風景似揚州。當時面色期春雪。曾伴美人遊。今日重來更無人問。獨自倚闌愁。

點絳脣

孤館迢迢。暮天草露霑衣潤。夜來秋盡。月暈通風信。今日原頭黃葉飛成陣。知人悶。故來相趁。共結分

脚一作岐恨

又

征騎初停。酒盃欲散。一作酒行莫放離歌舉。柳汀蓮浦。看盡

江南路。苦恨斜陽冉冉催人去。空回顧。淡煙橫素。

不見揚鞭處。

樂府雅詞

卷中  
周美成

七

浣溪沙

寶扇輕圓淺畫繪。象牀平穩細穿藤。飛蠅不到避壺

水。翠枕面涼頻憶睡。玉簫手汗錯成聲。日長無力

要原作人凭。看誤

又

薄薄紗幮望似空。簾紋如水浸芙蓉。起來嬌眼未醒

惚。強整羅衣擡皓腕。更將紈扇掩酥胸。羞郎何事

面微紅。

又

翠葆參差竹徑成。新荷跳雨碎珠傾。曲欄斜轉小池

亭。風約簾衣歸燕急。水搖花影戲魚驚。柳梢殘日  
弄微晴。

又

雨過殘紅濕未飛。珠簾一桁透斜暉。遊蜂釀蜜竊香  
歸。金屋無人風竹亂。夜篝盡日水沉微。一春須有  
憶人時。

又

樓上晴天碧四垂。樓前芳草接天涯。勸君莫上最高  
梯。新笋看成堂下竹。落花都入燕巢泥。忍聽林表  
杜鵑啼。

樂府雅詞

卷中  
周美成

又

日射欹紅蠟蒂香。風乾微汗粉襟涼。碧紗對捲簾紋  
光。自翦柳枝明畫閣。戲拋蓮的種池塘。長亭無事  
好思量。

陳瑩中

案陳瓘字瑩中延平人有了齋集四十二卷

卜算子

身如一葉舟。萬事潮頭起。水長船高一任伊。來往洪  
濤裏。潮落又潮生。今古長如此。後夜開樽獨酌時。  
月滿人千里。

一落索

體上衣裳雲作縷。不論寒暑。世間多少老婆禪。猶苦  
問臺山路。堪笑龐翁無趣。臨行卻住。古人公案不  
須論。還了得如今否。

減字木蘭花

樂府雅詞

卷中  
陳瑩中

九

大江北去。未到滄溟終不住。淮水東流。日夜朝宗亦  
未休。香爐煙裊。濃淡卷舒終不老。寸碧千鍾。人醉  
華胥月色中。

又

華胥月色。萬水千山同一白。南北相望。獨醉香山舊  
草堂。淮岑妙境。十載醺酣猶未醒。一腹便便。也讀  
春秋也愛眠。

卜算子

只解勸人歸。都不畱人住。南北東西總是家。勸我歸  
何處。去住總由天。天意人難阻。若得歸時我目歸。

何必閑言語

又

黃了舊皮膚。最是風流處。多少紛紛陌上人。不聽春  
鶂語。觸目是家山。到了須拈取。雲散長空月滿天。  
好個還鄉路。

又

夢裏不知眠。覺後眠何在。試問眠身與夢身。那個能  
祇對。醉後有人醒。醒了無人醉。要識三千與大千。  
不在微塵外。

青玉案

樂府雅詞

卷中  
陳瑩中

十

碧空黯淡同雲縵。漸枕上風聲峭。明透紗窗天欲曉。  
珠簾纔捲。美人驚報。一夜青山老。使君畱客金樽  
倒。正千里瓊瑤未經掃。欺壓梅花春信早。十分農事。  
滿城和氣。管取明年好。

驀山溪

扁舟東去。極目滄波渺。千古送殘紅。到如今。東流未  
了。午潮方去。江月照還生。千帆起。玉繩低。枕上鶯聲  
曉。錦囊佳句。韻壓池塘草。聲過去年雲。惱離懷。餘  
音繚繞。倚樓看鏡。此意與誰論。一重水。一重山。目斷  
令人老。

減字木蘭花

世間藥院。只愛大黃甘草。賤急急加工。更靠硫黃與鹿茸。鹿茸喫了。卻恨世間涼藥少。冷熱平均。須是松根白茯苓。

滿庭芳

擾擾忽忽。紅塵滿袖。自然心在溪山。尋思百計。眞個不如閑。浮世紛華夢影。鷺塵路。來往循環。江湖手長安障日。何似把魚竿。盤旋。那忍去。他邦縱好。終異鄉關。向七峯回首。清淚班班。西望煙波萬里。扁舟去。何日東還。分攜處。相期痛飲。莫放酒盃慳。

樂府雅詞

卷中  
陳瑩中

十一

又

槁木形骸。浮雲蹤跡。一年兩到京華。又還乘興。往看洛陽花。聞道鞞紅最好。春歸後。終委塵沙。忘言處。花開花謝。不似我生涯。年華。畱不住。饑食困寢。觸處爲家。這一輪明月。本自無瑕。隨分冬裘夏葛。都不會赤水黃芽。誰知我。春風一拐。談笑有丹砂。

又

淮葉繽紛。江煙濃淡。別樽同倒寒暄。未逢春信。霜露惹征衣。往事元無是處。何須待。回首知非。春鶻語。從來勸我。常道不如歸。家山何處近。江樓簾棟。夕卷

朝飛問西江。筍蕨何似鱸肥。且置華胥舊夢，忘言處，千古同時。君知我平生心事，相契古來稀。

醉蓬萊

問東州何處。境勝人幽，兩俱難得。狼山相望，有高堂千尺。妙曲轟空，綵雲翻袖，樂奏壺天長日。笑我飄然，蓬窗竹戶，只延山色。擬棹觥船，徑衝花浪，直造瑯筵，共醺仙液。仍乞蟠桃，向廬山親植。未舉江帆，早逢淮鴈，問故人蹤跡。遠老池邊，陶翁琴裏，此情何極。

臨江仙

聞道洛陽花正好，家家庭戶春風。道人飲去百壺空。

樂府雅詞

卷中 陳瑩中

十一

年年花下醉，看謝幾番紅。此別又從何處去，風萍一任西東。語聲雖異，笑聲同一，輪深夜月，何處不相逢。

蝶戀花

海角芳菲畱不住。筆下風生，飛入青雲去。仙籙有名天賜與，致君事業安排取。要識世間平坦路。當使人人各有安心處。黑髮便逢堯舜主，笑人白首歸南畝。

卜算子

咄咄汝何人，眼在眉毛下。明月相隨萬里來，何處分

眞假。問著總無言。有口番成啞。荆棘林中自在身。  
卽是知音者。

梁府雅詞

卷中  
陳瑩中

三

直是知音者

真如。問著總無言。有口番成啞。荆棘林中自在身。

徐師川案徐俯字師川豫章人有東湖集三卷

念奴嬌

素光練靜照青山隱修眉橫綠鳩鵲樓高天似水  
碧瓦寒生銀粟萬丈輝光奔雲湧霧飛過盧鴻屋更  
無塵翳皓然冷浸梧竹因念鶴髮仙翁當時曾共  
賞紫岩飛瀑對影三人聊痛飲一洗閑愁千斛斗轉  
參移飄然歸去萬里騎黃鶴一川霜曉叫雲吹斷橫  
玉

浣溪沙

章水何如潁水清江山明秀發詩情七言還我是長

樂府雅詞

卷中  
徐師川

十四

城十分傾小小鈿花開寶曆纖纖玉筍見雲英十千名酒

虞美人

梅花元自江南得還醉江南客雲中雨裏爲誰香開  
道數枝清笑出東墻多情宋玉還知否梁苑無尋  
處臙脂爲萼玉爲肌卻恨惱人桃李不同時

卜算子

心空道亦空風靜林還靜卷盡浮雲月自明中有山  
河影供養及修行舊話成重省豆爆生蓮火裏時  
痛撥寒灰冷

又

天生百種愁。掛在斜陽樹。綠葉陰陰占得春。草滿鶯啼處。不見生塵步。空憶如簧語。柳外重重疊疊山。遮不斷愁來路。

又

清池過雨涼。暗有清香度。縹緲娉婷絕代歌。翠袖風中舉。忽歛雙眉去。總是關情處。一段江山一段雲。又下陽臺雨。

鷓鴣天

綠水名園不是村。淡粧濃笑兩生春。笛中已有多愁

樂府雅詞

卷中

十五

徐師川

怨雨裏因誰有淚痕。香旖旎。酒氤氳。多情生怕落紛紛。舊來好事渾如夢。年少風流付與君。

又

滿眼紛紛恰似花。飄飄泊泊自天涯。雨中添得無窮濕。風裏吹成一道斜。銀作屋。玉爲車。姮娥青女過人家。應嫌素面微微露。故著輕輕薄薄遮。

踏莎行

素景將闌。黃花初笑。登高一望秋天杳。邀賓攜妓數能來。醉中贏得閑多少。佳氣氤氳。飛雲縹緲。竹林更著清江繞。高歌屢舞莫催人。華筵直待華燈照。

又

畫棟風生繡筵花繞層臺勝日頻高眺清輝爽氣自  
娛人何妨稱意開顏笑水碧無窮山青未了斜陽  
浦口歸帆少雲鬟煙鬢只供愁琵琶更作相思調

又

玉露團花金風破霧高臺與上晴空去舉盃相屬看  
前山煙中亂疊青無數皓齒明眸肌香體素惱人  
正在秋波注因何欲雨又還晴歌聲過得行雲住

南柯子

山禁

細葉黃金嫩繁花白雪香共誰連壁向河陽自是不  
須湯餅試何郎婀娜籠鬆髻輕盈淡薄粧莫令韓  
壽在伊傍便逐游蜂驚蝶過東墻

鷓鴣天

宜笑宜顰堂上身能歌能舞惡精神臉邊紅入桃花  
嫩眉上青歸柳葉新嬌不語易生嗔尊前還是一  
番春深盃百罰重拚卻只爲妖饒醉得人

浣溪沙

西塞山前白鷺飛桃花流水鱖魚肥一波纔動萬波  
隨黃帽豈如青筍笠羊裘何似綠蓑衣斜風細雨  
不須歸

樂府雅詞

卷中  
徐師川

其

又

新婦磯邊秋月明。女兒浦口晚潮平。沙頭鷺宿戲魚驚。青箬笠前明此事。綠蓑衣底度平生。斜風細雨小舟輕。

鷓鴣天

西塞山前白鷺飛。桃花流水鱖魚肥。朝廷若覓元真子。恒在長江理釣絲。青箬笠。綠蓑衣。斜風細雨不須歸。浮雲萬里煙波客。惟有滄浪孺子知。

又

七澤三湘碧草連。洞庭江漢水如天。朝廷若覓元真子。不在雲邊則酒邊。明月棹。夕陽船。鱸魚恰似鏡

樂府雜詞

卷中  
徐師川

七

中懸。絲綸釣餌都收卻。八字山前聽雨眠。

張志和漁父詞云。西塞山前白鷺飛。桃花流水鱖魚肥。青箬笠。綠蓑衣。斜風細雨不須歸。顧况漁父

詞云。新婦磯邊秋月明。女兒浦口潮平。沙頭鷺宿魚驚。東坡云。元真語極麗。恨其曲度不傳。加數語以

浣溪沙歌之云。西塞山前白鷺飛。散花洲外片帆微。桃花流水鱖魚肥。自芑一身青箬笠。相隨到處

綠蓑衣。斜風細雨不須歸。山谷見之。擊節稱賞。且云。惜乎散花與桃花字重疊。又漁舟少有使帆者。

巧取張顧二詞合爲浣溪沙云新婦磯邊眉黛愁  
女兒浦口眼波秋驚魚錯認月沉鈎青箬笠前無  
限事綠蓑衣底一時休斜風細雨轉船頭東坡跋  
云曾直此詞清新婉麗問其最得意處以山光水  
色替卻玉肌花貌真得漁父家風也然纔出新婦  
磯便入女兒浦此漁父無乃太瀾浪乎山谷晚年  
亦悔前作之未工因表弟李如篋言漁父詞以鷓  
鴒天歌之甚協律恨語少聲多耳因以憲宗遺作  
畫像求元真子文章及元真之兄松齡勸歸之意  
足前後數句云西塞山前白鷺飛桃花流水鱖魚

樂府雅詞

卷中  
徐師川

十八

肥朝廷尚覓元真子何處如今更有詩青箬笠綠  
蓑衣斜風細雨不須歸人間欲避風波險一日風  
波十二時東坡笑曰曾直乃欲平地起風波也東  
湖老人因坡谷互有異同之論故作浣溪沙鷓鴣  
天各二闕云

賀方回

案賀鑄字方回衛州人有慶湖遺老集二十九卷東山寓聲樂府三卷

青玉案

凌波不過橫塘路。但目送芳塵去。錦瑟華年誰與度。月臺花榭。瑣窗朱戶。惟有春知處。碧雲冉冉蘅皋暮。綵筆新題斷腸句。試問閒愁都幾許。一川煙草。滿城風絮。梅子黃時雨。

獻金盃

風軟香遲。花深漏短。可憐宵。畫堂春半。碧紗窗影卷。帳蠟燈紅。鴛枕畔。密寫烏絲一段。採蘋溪晚。拾翠沙空。儘愁倚夢雲飛觀。木蘭艇子。幾日渡江來。心目

樂府雜詞

卷中賀方回

十九

斷。桃葉青山隔岸。

感皇恩

蘭芷滿汀洲。游絲橫路。羅襪塵生步。回顧整鬟翠黛。脈脈兩情難訴。細風吹柳絮。人南渡。回首舊遊。山無重數。花底深朱戶。何處半黃梅子。向晚一簾疎雨。斷魂分付與。春歸一作去。

減字浣溪沙

秋水斜陽遠漾金。平山隱隱隔橫林。幾家村落幾聲砧。記得西樓凝醉眼。昔年風物似如今。只無人與共登臨。

又

鼓動城頭啼暝鴉。過雲時送雨些些。嫩涼如水逗窗紗。弄影西廂侵戶月。分香東畔拂墻花。此時相望抵天涯。

又

煙柳春梢蘸暈黃。井欄風綽小桃香。覺時簾幕又斜陽。望處定無千里眼。斷來能有幾迴腸。少年禁取恁淒涼。

又

夢想西池輦路邊。玉鞍驕馬小鞦韆。春風十里鬪嬋娟。樂府雅詞  
卷中  
賀方回  
三  
臨水登山漂泊地。落花中酒寂寥天。箇般情味已三年。

又

鸚鵡驚人促下簾。碧紗如霧隔香奩。雪兒窺鏡晚娥織。烏鵲橋邊河絡角。鴛鴦樓外月西南。門前嘶馬弄金銜。

又

鸚鵡無言理翠衿。杏花零落晝陰陰。畫橋流水半篙深。芳徑與誰期鬪草。繡牀終日罷拈鍼。小牋香管寫春心。

又

三扇屏山匝象牀。背燈偷解素羅裳。粉肌和汗自生香。易失舊歡勞蝶夢。難禁新恨費鶯腸。今宵風雨兩相望。

清平樂

陰晴未定。薄日烘雲影。臨水朱門花一徑。度日烏啼人靜。厭厭幾許春情。可憐老去蘭成。看取鑷殘雙鬢。不隨芳草重生。

又

小桃初謝。雙燕還來也。記得年時寒食下。紫陌青門

樂府雅詞

卷中  
賀方回

五

遊冶。楚城滿目春華。可堪遊子思家。惟有夜來歸

夢。不知身在天涯。

攤破浣溪沙

湖上秋深萬葉黃。清霜銷瘦損垂楊。洲嘴嫩沙斜照暖。睡鴛鴦。紅粉蓮娃何處在。西風不爲管餘香。今夜月明聞水調。斷人腸。

又

雙鳳簫聲隔綵霞。朱門深閉七香車。何處探春尋舊約。謝娘家。旖旎細風飄水麝。玲瓏殘雪浸山茶。飲罷西廂簾影外。玉蟾斜。

菩薩蠻

子規啼夢羅窗曉。開奩拂鏡嚴粧早。粉碧盡丁香。青  
垂裙帶長。鈿箏尋舊曲。愁結眉心綠。猶恨夜來時。  
酒狂歸太遲。

又

章臺遊冶金龜婿。歸來猶帶醺醺醉。花漏怯春宵。雲  
屏無限嬌。絳紗燈影背。玉枕釵聲碎。不待宿醒銷。  
馬嘶催早朝。

燭影搖紅

波影翻簾。淚痕凝燭。青山館。離魂千里念。佳期襟佩  
藥府雅詞

卷中  
賀方回

五

如相欸。惆悵更長夢短。但衾枕餘芳。臘暖。半窗斜  
月。照人腸斷。啼鳥不管。

下水船

芳草青門路。還拂京塵東去。回想當年。離聲送君南  
浦。愁幾許。樽酒留連薄暮。簾卷津樓煙雨。凭欄語。  
草草蘅皋賦。分首驚鴻不駐。燈火虹橋。難尋弄波微  
步。漫凝竚。莫怨無情流水。明日扁舟何處。

惜雙雙

皎鏡平湖三十里。碧玉山圍四際。蓮蕩香風裏。綠鴛  
鴦覺雙飛起。明月多情隨掩尾。偏照空牀翠被。回

首笙歌地。醉更衣處長相記。

憶仙姿

綵舫解維官柳樓上誰家紅袖團扇弄微風如爲行人招手回首回首雲斷武陵溪口

又流子

蓮葉初生南浦兩岸綠楊飛絮向晚鯉魚風斷送綵帆何處凝竹疑竹樓外一江煙雨

思越人

紫府東風放夜時步蓮穠李伴人歸五更鐘動笙歌散十里月明燈火稀香苒苒夢依依天涯寒盡減

紫府雜詞

卷中 賀方回

三

春衣鳳凰城闕知何處寥落星河一雁飛

又

悵惘離亭斷綵襟碧雲明月兩關心幾行書尾情何限一尺裙腰製不禁遙夜半出房深有時呢語話如今侵窗冷雨燈生暈淚濕羅牋楚調吟

風流子

何處最難忘方豪健放樂五雲鄉彩筆賦詩禁池芳草香鸞謁馬輦路垂楊綺筵上扇偎歌黛淺汗裛無羅香蘭燭伴歸綉輪同載閉花別館隔水深坊零落少年場琴心漫流怨帶眼偷長無奈占牀燕月欺

鬢吳霜。念北地音塵。魚封永斷。便橋煙雨。鶴表相望。  
好在後庭桃李。應記剗郎。

鶴冲天

蕤蕤鼓動。花外沉殘漏。華月萬枝。燈還清晝。廣陌衣  
香度。飛蓋影相先後。箇處頻回首。錦坊西去。期約武  
陵溪口。當時早恨歡難偶。可堪流浪。遠分攜久。小  
腕蘭英在。輕付與何人手。不似長亭柳。舞風眠雨。伴  
我一春銷瘦。

小重山

花院深疑無路通。碧紗窗影下。玉芙蓉。當時偏恨五

樂府雅詞

卷中  
賀方回

十四

更鐘分曉處。斜月小簾櫳。楚夢冷沉蹤。一雙金縷

枕。半牀空。書樓臨水。鳳城東。樓前柳。憔悴幾秋風。

又

飄徑梅英雪未融。芳菲消息到杏梢紅。隔年歡事水  
西東。凝思久。不語坐書空。回想夾城中。綵山簫鼓  
沸綺羅叢。鈿輪珠網。玉花驄。香陌上。誰與鬪春風。

薄倖

淡粧多態。更的的。滴瀝頻流。眇眇便認得琴心先許。  
與寫合歡羅帶。記畫堂斜月逢迎。輕鬢淺笑嬌無奈。  
待翡翠屏開。芙蓉帳掩。與把香囊偷解。自過了收

燈夜都不見踏青挑菜。幾回憑雙燕。丁寧深意。往來卻恨重簾礙。知何時再。正春濃酒煖。人間晝永無聊賴。厭厭睡起。猶有花梢日在。

六州歌頭

少年俠氣。交結五都雄。肝膽洞。毛髮聳。立談中。死生同一諾。千金重。推翹勇。矜豪縱。輕蓋擁。聯飛鞚。斗城東。轟飲酒壚。春色浮寒甕。吸海垂虹。問呼鷹。嗾犬。白羽摘雕弓。狡穴俄空。樂匆匆。似黃梁夢。辭丹鳳。明月共漾孤篷。官冗從。懷倥傯。落塵籠。簿書叢。鷓鴣弁如雲衆。供鹿用。忽奇功。笳鼓動。漁陽弄。思悲翁。不請長樂府雅詞。

卷中  
賀方回

三五

纓繫取。天驕種。劍吼西風。恨登山臨水。手寄七絃桐。目送歸鴻。

浣溪沙

翠縠參差拂水風。暖雲如絮撲低空。麗人波臉覺春融。纓掛寶釵初促。席檀膏微注。玉盃紅。芳醪何似此情濃。

又

雲母窗前歇繡鍼。低鬟凝思坐調琴。玉纖纖按十三金。歸卧文園猶帶酒。柳花飛度畫堂陰。只憑雙燕話春心。

又

疊鼓新歌百樣嬌。銅丸玉腕促雲韶。揭簾飛瓦電聲  
焦。九曲池邊楊柳陌。香輪軋軋馬蕭蕭。細風粧面  
酒痕銷。

又

蓮燭啼痕怨漏長。冷蛩隨月到回廊。一屏煙景畫蕭  
湘。連夜斷無行雨夢。隔年猶有著人香。此情須信  
是難忘。

又

閑把琵琶舊譜尋。四弦聲怨卻沉吟。燕飛人靜畫堂  
深。

樂府雅詞

卷中  
賀方回

美

欹枕有時成雨夢。隔簾無處說春心。一從燈夜  
到如今。

又

宮錦袍熏水麝香。越紗裙染鬱金黃。薄羅依約見明  
粧。繡陌不逢攜手伴。綠窗誰是畫眉郎。春風十里  
斷人腸。

又

青翰舟中祓禊筵。粉蛾窺影兩神仙。酒闌飛去作飛  
煙。重訪舊遊人不見。雨荷風蓼夕陽天。折花臨水  
思茫然。

又

浮動花釵影。蟬淺粧濃笑。有餘妍。酒醺檀點語。凭肩。畱不住。時分鈿鏡。舊曾行處。失金蓮。碧雲芳草。恨年年。

又

兩點春山一寸波。當筵嬌甚不成歌。動人情態可須多。金井露寒風下葉。畫樓雲斷可侵荷。厭厭此夜奈愁何。

又

清淺陂塘藕葉乾。細風疎雨鷺絲寒。平垂簾幙倚欄

樂府雜詞

卷中  
賀方回

七

干。惆悵采香人不見。幾回憔悴後庭蘭。行雲可是

渡江難。

又

樓角初銷一縷霞。淡黃楊柳帶栖鴉。玉人和月摘梅花。笑撚粉香歸洞戶。更垂羅幙護窗紗。東風寒似夜來些。

江城子

麝熏微度繡芙蓉。翠衾重。畫堂空。前夜偷期，相見卻忽忽。心事兩知何處問。依約是夢中逢。坐疑行聽竹窗風。出簾櫳。杳無蹤。已過黃昏，才動寺樓鐘。暮雨

不來春又去。花滿地。月朦朧。

### 浪淘沙

一葉忽驚秋。分付東流。殷勤爲過白蘋洲。洲上小樓簾半捲。應認歸舟。回首戀朋遊。迹去心留。歌塵蕭散夢雲收。惟有樽前曾見月。相伴人愁。

### 金人捧露盤

控滄江。排青嶂。燕臺涼。駐綵仗。樂未渠央。巖花磴蔓。妬千門。珠翠倚新粧。舞間歌。悄恨風流。不管餘香。繁華夢。鶯俄頃。佳麗地。指蒼茫。寄一笑。何與興亡。量船載酒。賴使君相對兩胡牀。緩調清管。更爲儂二弄。

采府雅詞

卷中  
賀方回

美

斜陽。

### 木蘭花

珮環聲認腰肢軟。風裏麝熏知近遠。此身常羨玉粧臺。得見曉來梳畫面。迴廊幾步通深院。一桁繡衣簾不捲。酒闌歌罷欲黃昏。腸斷歸巢雙燕燕。

又

銀簧雁柱香檀撥。鏤板三聲催細抹。舞腰輕怯絳裙長。羞按築毬花十八。東城柳岸念念發。畫舫一篙煙水濶。可憐單枕欲眠時。還見尊前前夜月。

### 蝶戀花

小院朱扉開一扇。內樣新粧鏡裏分明見。眉暈半深  
唇注淺。朶雲冠子偏宜面。被掩芙蓉熏麝煎。簾影  
沉沉。祇有雙飛燕。心事向人猶勦勦。強來窗下尋鍼  
線。

樂府雅詞

卷中  
賀方回

无

小詞未氣問一風內綠。珠鏡裏分明見。眉暈半深  
唇注淺。朶雲冠子偏宜面。被掩芙蓉熏麝煎。簾影  
沉沉。祇有雙飛燕。心事向人猶勦勦。強來窗下尋鍼  
線。

舒信道

案舒亶字信道慈谿人有文集一百卷

臨江仙

送鄴令李易初

折柳門前鸚鵡綠。河梁小駐歸船。不堪華髮對離筵。  
孤村啼鴉日。深院落花天。文采弟兄真疊玉。赤霄  
去路誰先。明朝便恐各風煙。江山如有恨。桃李自無  
言。

點絳脣

閩分題得湖上聞樂

紫霧香濃。翠華風轉。花隨輦洞天雲暖。一片笙歌遠。  
水殿龍舟。憶侍瑤池宴。閑庭院。夢迴春半。雪鬢無  
人見。

樂府雅詞

卷中舒信道

字

散天花

次師能韻

雲斷長空葉落秋。寒江煙浪靜。月隨舟。西風偏解送  
離愁。聲聲南去。雁下汀洲。無奈多情去復留。驪歌  
齊唱罷。淚爭流。悠悠別恨幾時休。不堪殘酒醒。凭危  
樓。

醉花陰

試茶

露芽初破雲腴細。玉纖纖親試。香雪透金瓶。無限仙  
風。月下人微醉。相如消渴無佳思。口知君此意。不  
口老盧郎。花底春寒。贏得空無睡。後段第二句作半仄平平仄疑誤

又

越州席上官妓獻梅花

月幌風簾香一陣。正千山雪盡。冷對酒樽傍。無語含情別。是江南信。壽陽粧罷人微困。更玉釵斜襯。擬插一枝歸。只恐風流羞上潘郎鬢。

虞美人 寄公度

芙蓉落盡天涵水。日暮滄波起。背飛雙鷺貼雲寒。獨向小樓東畔倚闌看。浮生只合樽前老。雪滿長安道。故人早晚上高臺。贈我江南春色一枝梅。

又 周園欲雪

酒邊陡覺羅衣暖。獨倚黃昏看。寒鴉兩兩下樓東。著處暗雲垂地一重重。紅爐歡坐誰能醉。多少看花

樂府雜詞

卷中 寄信道

三

意謝娘也。擬殢春風。便道無端柳絮。逼簾櫳。

又 蔣園醉歸

巾簾小閣香雲暖。黛拂梳粧淺。玉簫一曲杜韋娘。誰是蘇州刺史斷人腸。醉歸旋撥紅爐火。卻倚屏山坐。銀缸明滅月橫斜。還是畫樓角送小梅花。

醜奴兒

次師能韻

一池秋水疎星動。寒影橫斜。滿坐風花。紅燭紛紛透絳紗。江湖散誕扁舟裏。到處如家。且盡流霞。莫管年來雨鬢華。

一落索

蔣園和李朝奉

正是看花天氣。爲春一醉。醉來卻不帶花歸。詢不解  
看花意。試問此花明媚。將花誰比。只應花好似年  
年。花不似人憔悴。

又

葉底枝頭紅小。天然窈窕。後園桃李謾成蹊。問占得  
春多少。不管雪消霜曉。朱顏長好。年年若許醉花  
間。待拚了花間老。

滿庭芳

重陽前席上  
次元直韻

寒日穿簾。澄江憑檻。練光浮動餘霞。蓼汀蘆岸。黃葉  
颯孤花。天外征帆隱隱。殘雲共流水無涯。登臨處。瓊

樂府雅詞

卷中  
舒信道

三

枝激灑。風帽醉欹斜。豐年時節好。玉香田舍。酒滿  
漁家。算浮世勞生。事事輸他。便恁從今。酌酹休更問  
白雪籠紗。還須仗神仙妙手。傳向畫圖誇。

又

後一日再置酒  
次馮通直韻

紅葉飄零。寒煙疎淡。樓臺半在雲間。望中風景。圖書  
也應難。又是重陽過了。東籬下。黃菊闌珊。陶潛病作  
去。風流載酒。秋意與人閑。霞冠欹倒處。瑤臺唱罷  
如夢中還。但醉裏贏得滿眼青山。華髮看看滿也。畱  
不住。當日朱顏。平生事。從頭話了。獨自卻凭闌。

又

送權府蘇  
道宗制奉

閨闔天門芙蓉春殿幾年目斷鷄翹短蓬秋鬢端幸  
倚瓊瑤南圃花邊小院西湖畔雲底雙橋歸時節紅  
杏露冷月影上芭蕉明朝那可望旗亭煙草柳渡  
寒潮但萬戶千門恨客歌樵戲綵光浮袞繡鳴珂響  
遶雲霄應回首綺裘醉客還是獨吹簫

卜算子

分題  
得苦

池臺小雨乾門巷香輪少誰把青錢襯落紅滿地無  
人掃何時鬪草歸幾度尋花了畱得佳人蓮步痕  
宮樣鞋兒小

菩薩蠻

樂府雅詞

卷中  
符信道

五

三年江上風吹淚天桃豔杏無春意今日欲開眉那  
堪更別離莫折長亭柳折盡愁依舊只有醉如狂  
人生空斷腸

又

柳橋花塢南城陌朱顏綠髮長安客雨後小池臺尋  
常載酒來馬頭今日路卻望城西去斜日下汀洲  
斷雲和淚流

又

畫船槌鼓催君去高樓把酒畱君住去住若爲情西  
江潮欲平江潮容易得只是人南北今日此樽空

知君何日同。

又

畫簷細雨偏紅燭。疎星冷落排寒玉。賸得碧雲篇。金波更涉船。樽前當日客。行色垂楊陌。天濶水悠悠。含情獨倚樓。

又

杜鵑啼破江南月。香風撲面吹紅雪。賦就縷金牋。黃昏醉上船。年華雙短鬢。事往情何盡。明日各天涯。來春空好花。

又次劉郎中賞花韻

樂府雅詞

卷中

善

朱簾乍捲層煙起。露華深淺初疑洗。困倚玉闌風。綺羅知幾重。向人如有意。不醉何時醉。便得一枝紅。猶勝兩鬢空。

又席上送寅亮通直

小池山額垂螺碧。綠香裏眠鷓鴣。波面翠雲開。仙槎天上來。吹將紅日落。懊惱巖城角。風月此時情。知君華髮生。

又送奉化知縣秦奉議

一回別後一回老。別離易得相逢少。莫問故園花。長安君是家。短亭秋日晚。草色隨人遠。欲醉又還醒。

江樓暮角聲

又

樽前休話人生事。人生只合樽前醉。金盞大如船。江城風雪天。綺窗燈自語。一夜芭蕉雨。玉漏爲誰長。枕衾殘酒香。

又

樓前流水西江道。江頭水落芙蓉老。畫鼓疊涼波。凭欄翠娥。當年金馬客。青鬢蘆花色。把酒感秋蓬。驪歌半醉中。

又

綺櫳深閉桃園曲。劉郎老向花間宿。笑臉抹流霞。心知是小琶。纖纖垂素玉。掠鬢春雲綠。彈了醉思仙。小窗紅日偏。

又次張秉道韻

眞珠酒滴琵琶送。行雲舊識巫山夢。空得醉中歸。老來心事非。江梅含日暖。照水花枝短。密葉似商量。向人春意長。

又

小亭露壓風枝動。鵲爐火冷金瓶凍。悄悄對西窗。瘦知羅帶長。欲眠思帶酒。坐聽寒更久。無賴是青燈。

樂府雅詞

卷中舒信道

五

開花故故明。

又

流年又見風沙送。鈞天回首清都夢。塞雁幾時歸鏡  
中雙鬢非。綠袍同冷暖。誰道交情短。愁斛若爲量  
還隨一線長。

又次瑩中  
元歸韻

白蘋洲渚垂楊岸。藕花未放青蒲短。斜日畫船歸背  
人雙鷺飛。醉眠金馬客。不道風塵隔。紅影上窗紗。  
小庭空落花。

又湖心寺席  
上賦茶詞

樂府雅詞

卷中  
舒信道

美

金船滿引人微醉。紅綃籠燭催歸騎。香泛雪盈盃。雲  
龍疑夢回。不辭風滿腋。舊是仙家客。坐得夜無眠。  
南窗衾枕寒。

又別  
意

江梅未放枝頭結。江樓已見山頭雪。待得此花開。知  
君來不來。風帆雙畫鷁。小雨隨行色。空得鬱金裙。  
酒痕和淚痕。

又次  
韻

香波綠暖浮鸚鵡。黃金捍撥么絃語。小雨落梧桐。簾  
櫳殘燭紅。人生閑亦好。雙鬢催人老。莫惜醉中歸。

醒來思醉時

又

綠窗酒醒春如夢。小池猶見紅雲動。露濕井榦桐。翠陰生細風。雨過芳塘淨。清晝閑中永。門外立雙旌。隔花聞笑聲。

又

憶曾把酒賞紅翠。舞腰柳弱歌聲細。縱馬杏園西。歸來香滿衣。寶車空積駐。事逐孤鴻去。搔首立江干。春蘿掛暮山。

蝶戀花

置酒別公度座間探題得梅

樂府雅詞

卷中

舒信道

七

雪後江城紅日晚。暖入香梢。漸覺玲瓏滿。髣髴臨風粧半面。水簾斜捲誰庭院。折向樽前君細看。便是江南。寄我人還遠。手把此枝多少怨。小樓橫笛吹腸斷。

又

深炷薰爐扃小院。手撚黃花。尚覺金猶淺。回首畫堂雙語燕。無情漸漸看人遠。相見爭如初不見。短鬢潘郎。斗覺年華換。最是西風吹不斷。心頭往事歌中怨。

減字木蘭花

用舊韻戲吳奉議

眉山歛額。往事追思空手拍。雁字頻飛。生怕人來說著伊。閑拋繡履。愁殢香衾渾不起。莫似揚州。只作尋常薄倖休。

又賦錦帶

碎紅如繡。搖曳東風垂綵綬。擬倩柔條。約住佳人細柳腰。蜀江春綠。爭似枝頭能結束。纖手攀時。欲綰同心寄與誰。

木蘭花

吹韻贈歌妓

十二欄干寒畫箔。取次穿花成小酌。綵鸞舞罷鳳孤飛。回首東風空院落。杳杳桃源仙路邈。晴日曉窗

樂府雅詞

卷中

三

紅薄薄。傷春還是懶梳粧。想見綠雲垂髻腳。

又

金絲絡馬青錢路。笑指玉皇香案去。點衣柳陌墮殘紅。拂面風橋吹細雨。曉釵壓髻頭慵舉。恨裏歌聲兼別苦。西湖一頃白菱花。惆悵行雲無覓處。

又蔣園口號

琉璃一片春湖面。畫舫遊人簾外見。水邊風嫩柳低眠。花底雨乾鶯細囀。鞦韆寂寂垂楊岸。芳草綠隨人漸遠。一番樂事又口口。金盞莫辭紅袖勸。

浣溪沙

次權中韻

燕外青樓已禁煙。小寒猶自薄勝綿。畫橋紅日下鞦韆。惟有樽前芳意在。應須沉醉倒花前。綠窗還是五更天。

又和葆先春  
晚飲會

金縷歌殘紅燭稀。梁州舞罷小鬟垂。酒醒還是獨歸時。晝棟日高來語燕。綺窗風暖度游絲。幾多落葉上青樓。

又和仲聞  
對棋

黑白紛紛小戰爭。幾人心手鬪縱橫。誰知勝處本無情。謝傅老來思別墅。杜郎閒去憶塵兵。何妨談笑

樂府雜詞

卷中  
舒信道

三五

下遠城。

又勸  
酒

雨洗秋空斜日紅。青葱搖轡玉玲瓏。好風吹起口江東。且盡紅裙歌一曲。莫辭白酒飲千鍾。人生半在別離中。

又

□□□□點碧塘。雨荷風捲綠羅裳。管絃□□□魚榔。游女謾能歌白紵。使君不學野鴛鴦。桃花空解誤劉郎。

鵲橋仙  
呂使君  
餞會

教來歌舞接成桃李。盡是使君指似。如今裝就滿城  
春。忍便擁雙旌歸去。鶯心巧轉。花心爭吐。無計可  
畱君住。兩堤芳草一江雲。早晚是西樓望處。

樂府雅詞

卷中  
寄信道

學

葉少蘊案葉夢得字少蘊號石林吳縣人有石林居

應天長

松陵秋已老。正柳岸田家酒醉初熟。鱸膾蓴羹萬里  
水天相續。扁舟凌浩渺。寄一葉暮濤吞沃。青筩笠西  
塞山前。自翻新曲。來往未應足。便細雨斜風有誰  
拘束。陶寫中年。何待更須絲竹。鳴夷千古。算入手  
比來尤速。最好處一作是千點雲峯半篙澄淥。

水調歌頭濠州觀魚臺作

渺渺楚天澗。秋去無窮。兩涯不辨牛馬。輕浪舞回  
風。獨倚高臺一笑。圍圍游鯨來往。還戲此波中。危檻  
樂府雅詞 卷中 葉少蘊 四 單

對千里。落日照澄空。子非我。安知我。意真同。鵬飛  
鷗化何有。滄海漫冲融。堪笑磻溪遺老。白首直鉤溪  
畔。歲晚忽衰翁。功業竟安在。徒自兆非熊。

又九月望日與客習射西園余偶病不能射  
客較勝相先將領斥德弓強二石五斗連  
發三中的觀者盡驚因作此詞  
示坐客前一夕大風是日始寒

霜降碧天靜。秋事促西風。寒聲隱地。初聽中夜入梧  
桐。起瞰高城回望。寥落關河千里。一醉與君同。疊鼓  
闌清曉。飛騎引彫弓。歲將晚。客爭笑。問衰翁。平生  
豪氣安在。沉領一作是馬為誰雄。何似當筵虎士。揮手弦  
聲發處。雙鴈落遙空。老矣真堪愧。回首望雲中。

又送人

江海渺千里飄蕩歎流年等閒疋馬相過乘興卻翛然十載悲歡如夢撫掌驚呼相語往事盡飛煙此會真難偶此醉且畱連酒方半誰輕使動離絃我歌未闕君去明日復山川空有高城危檻縹緲當筵清唱餘響落尊前細雨黃昏後飛鴈點遙天

念奴嬌南歸渡揚子作

故人漸遠一作故念淵明歸意翛然誰論歸去來兮

秋已老松菊三徑猶存稚子歡迎飄飄風袂依約舊

衡門琴書蕭散更欣有酒盈尊惆悵萍梗無根天

樂府雅詞 卷中 葉少蘊 望

涯行已徧空負田園去矣何之窗戶小容膝聊倚南

軒倦鳥知還晚雲遙映山氣欲黃昏此還一作真意

故應欲辨忘言

又中秋燕客有懷吳江長橋

洞庭波冷望冰輪初轉滄海沉沉萬頃孤光雲陣卷

長笛吹破層陰洶湧三江銀濤無際遙帶五湖深酒

闌歌罷至今鼙怒龍吟回首江海平生漂流容易

散佳期難尋縹緲高城風露爽獨倚危檻重臨醉倒

清尊常娥應笑猶有向來心廣寒宮殿為余聊借瓊

林

臨江仙

聞道今年春信早。梅花不怕餘寒。憑君先向近南看。香苞開也未。莫待北枝殘。腸斷隴頭它日恨。江南幾驛征鞍。一盃聊與盡餘歡。風情何所似。老去未應閒。

又雪後寄周十

夢裏江南渾不記。祇君幽戶難忘。夜來急雪繞東塘。竹窗松徑無處問歸航。瓊底新醅應已熟。一樽知與誰嘗。會須雄筆卷蒼茫。雪濤隱戶。瓊玉照顏牆。

又與容湖上歌

樂府雅詞 卷中 葉少蘊 聖  
不見蹤魚翻曲港。湖邊特地經過。蕭蕭疎雨亂風荷。微雲吹散。涼月墮平波。白酒一盃還徑醉。歸來散髮婆娑。無人能唱採菱歌。小軒欹枕。簷影掛星河。

又送友人還姑蘇 重寄程致道

碧瓦新霜侵曉夢。黃花已過清秋。風帆何處掛扁舟。故人歸欲盡。殘日更回頭。樂圃橋邊煩借問。有人高卧江樓。寄聲聊爲訴離憂。桂叢應已老。何事久淹留。

又席上次韻 韓文若

聞道安車來過我。百花未敢飄零。疾催絃管送盃行。

五朝瞻舊老。揮麈聽風生。鳳詔遠從天上落。高堂燕喜初醒。莫言白髮減風情。此肯誰得似。飲罷卻精明。

又

三月鶯花都過了。曉來雪片猶零。嵩陽居士記行。西湖初水滿。遙想縠紋生。欲爲海棠傳信息。如今底事長醜。不應高卧頓忘情。當時風月在。相見眼終明。

又次韻洪思誠席上

漱豔湖光供一笑。未須醉日論千。將軍會記舊臨邊。樂府雅詞

卷中  
葉少蘊

思

野塘新水滿。煙岸藕如船。卻怪情多春又老。回腸易逐愁煎。何如旌騎鬱相連。凱歌歸玉帳。錦帽碧油前。

又十一月二十四日同王幼安洪思誠過曾存之園亭

學士園林人不到。傳聲欲問江梅。曲欄清淺小池臺。已知春意近。爲我著詩催。急管行觴圍舞袖。故人坐上三台。此歡此宴固難陪。不辭同二老。倒載習池迴。

又次韻荅幼安思誠存之席上梅花

不與羣芳爭絕豔。化工自許寒梅。一枝臨晚照歌臺。

眼明渾未見。絃管莫驚催。記取劉郎歸去路。他年應話天台。酒闌不惜更重陪。夜寒衣袂薄。猶有暗香迴。

又正月二十四日  
日晚至湖上

三日疾風吹浩蕩。綠蕪未遍平沙。約回殘影射明霞。水光遙泛坐。煙柳卧欹斜。霜鬢不堪春點檢。畱連又過芳華。一枝重插去年花。此身江海夢。何處定吾家。

浣溪沙 重陽前一日  
登極目亭

小雨初迴昨夜涼。繞籬新菊已催黃。碧空無際卷蒼茫。

卷中  
葉少蘊

四十五

千里斷鴻供遠目。十年芳草掛愁腸。緩歌聊與送瑤觴。

又

綠野歌歡喜見分。驟驚和氣曉來勻。妙歌誰敢和陽春。梅葉舊年迎臘雪。月華今夜破黃昏。獨醒爭笑楚人魂。

水龍吟 二月十日西  
湖燕客作

對花常欲畱春。恨春故遣花飛早。曉來雨過。綠陰新處。幾番芳草。一片飄時。已知消減。滿庭誰掃。料多情也似愁人易感。先催赴朱顏老。猶有清明未過。但

狂風忽忽難保。酒醒夢斷。年年此恨。不禁相惱。只恐  
春應暗畱芳信。與花爭好。有桃黃一朶。殷勤付與。送  
金樽倒。

賀新郎

睡起啼鶯語。掩青苔。房櫳向曉。亂紅無數。吹盡殘花  
無人見。惟有垂楊自舞。漸暖靄初回。輕暑。寶扇重尋  
明月影。暗塵侵尚。一作上有乘鸞女。驚舊恨。鎮如許。

江南夢斷橫江。一作上浪粘天。蒲萄漲綠。半空煙雨。

無限樓前滄波意。誰採蘋花寄取。但悵望。蘭舟容與。

萬里雲帆何時到。送孤鴻。目盡斷。一作上千山阻。重一作誰

樂府雅詞

卷中  
葉少蘊

吳

爲我唱金縷

滿庭芳

三月十七日雨後極目亭  
同張敬叔程致道全遊

麥隴如雲。清風吹破。夜來疎雨纔晴。滿川煙草。殘照  
落微明。縹緲危欄曲檻。遙天盡日。腳初平。青林外參  
差暝靄。縈帶遠山橫。孤城。春已過。綠陰是處。時有  
鶯聲。問落絮游絲。畢竟何成。信步蒼苔繞遍。真堪付  
閒客。閒行。微吟罷。重回首。江海渺遺情。

又二公和示復  
用韻寄酬

楓落吳江。扁舟搖蕩。暮山斜照初晴。此心長在。秋水  
共澄明。底事經年易拚。驚遺恨。悄悄難平。臨風處。佳

人萬里。霜笛爲誰橫。長城誰敢犯。知君五字元有詩聲。笑茅舍何時歸計真成。綠髻朱顏老盡。柴車在行卽終行。聊相待。狂歌醉舞。雖老未忘情。

滿江紅

重陽賞菊時  
余已除代

一朶黃花先催報。秋歸消息。滿芳枝凝露。爲誰裝飾。便向樽前拚醉倒。古今同是東籬側。問何須特地賦歸來。拋彭澤。回首去年時節。開口笑真難得。使君今郡一作那更自成行客。霜鬢不辭重插。滿他年此會。何人憶記多情。會伴小欄干親攀摘。

又

樂府雜詞

卷中

葉少蘊

畢

雪後郊原煙林靜。梅花初坼。春初半。猶是探春消息。一眼平蕪看不盡。夜來小雨催新碧。笑去年攜酒折花時。一作君應識。蘭舟漾城南陌。雲影淡天容窄。繞風漪十頃。暝浮晴色。恰似槎頭收釣處。坐中仍有江南客。試與問。何如諸家詞皆三字一句試與二字當衍兩槩下。茗溪吞雲澤。

點絳脣

晚出刀山榭春初植蘭榭側近復生  
紫芝二本。按刀字疑誤一本無刀字

高柳蕭蕭睡餘已覺。西風勁。小窗人靜。浙瀝生秋聽。底事多情欲與流年競。殘雲暝。墜巾慵整。獨立芝

蘭徑

又紹興乙卯登絕頂小亭

縹緲危亭笑談獨在千峰上。與誰同賞。萬里橫煙浪。老去情懷猶作天涯想。想空惆悵。少年豪放。莫似衰翁樣。

南歌子

四月二十六日集客臨芳觀

麥隴深初轉。桃溪曲漸成。綠槐重疊午陰清。更有榴花一朵照人明。晝棟清微暑。疎簾入晚晴。請君坐待穀紋平。看取紅幢綠蓋引前旌。

鷓鴣天

十二月二十二日同許幹譽賞梅

樂府雅詞

卷中葉少纏

吳

不怕微霜點玉肌。恨無流水照冰姿。與君著意從頭看。初見今年第一枝。人醉後。雪晴時。江南春色寄來遲。使君本是花前客。莫怪殷勤爲賦詩。

又元夕次幹譽韻

夾路行歌盡落梅。篆煙香細裊寒灰。雲移碧海三山近。月破中天九陌開。追樂事。惜多才。車聲遙聽走晴雷。十年夢斷鈞天奏。猶記流霞醉後杯。

虞美人

雨後同幹譽才卿置酒林檎花下

落花已作風前舞。又送黃昏雨。曉來庭院半殘紅。惟有遊絲千丈裊晴空。殷勤花下重攜手。更盡杯中

酒美人不用歛歌眉。我亦多情無奈酒闌時。

又極目亭望西山

翻翻翠葉梧桐老。雨後涼生早。葛巾藜杖正關情。莫遣繁蟬容易作秋聲。遙空不盡青。天去一抹殘霞暮。病餘無力厭躋攀。爲寄曲欄幽意到西山。

又上巳席上

一聲鶗鴂催春晚。芳草連空遠。年年遺恨怨殘紅。可。是無情容易愛隨風。茂林修竹山陰道。千載誰重到。半湖流水夕陽前。猶有一觴一詠似當年。

又

二月小雨達旦西園獨臥寒甚不能寐時窗前梨花將謝

晁

樂府雜詞

卷中葉少蘊

數聲微雨風驚曉。燭影欹殘照。客愁不耐五更寒。明日梨花開盡有誰看。追尋猶記清明近。爲向花邊問。東風正使解欺儂。不道花應有恨也。忽忽。

卜算子

三月八日夜鳳風亭納涼

新月掛林梢。暗水鳴枯沼。時見疎星落畫簷。幾點流螢小。歸意了無多。故作連環繞。欲寄新聲問採菱。水澗煙波渺。

木蘭花

二月十六日晚雨集客湖上

花殘卻似春畱戀。幾日餘寒吹酒面。濕煙不隔柳條青。小雨池塘初有燕。波光縱使明如練。可奈落紅

紛似霏。解將心事訴東風。只有流鶯千種囀。

減字木蘭花

前村夜半。每爲江梅腸欲斷。淺紫深紅。誰信漫天雪裏逢。醉頭扶起。宿酒闌干猶困倚。便莫催殘。明日東風爲掃看。

滿庭芳

次舊韻答蔡州王道濟見寄

一曲離歌。煙村人去。馬頭微雪新晴。隔年光景。回首近清明。斷送殘花又老。春波靜。湖水初平。誰重到。雕欄盡日。遙想畫橋橫。高城凝望久。何人爲我重唱餘聲。問桃李如今。幾處陰成。老去從游似夢。樽前事

樂府雅詞

卷中 葉少蘊

辛

空有經行。猶能記殷勤寄語。多謝故人情。

醉蓬萊

辛丑寓楚州上巳日有懷許下西湖作此詞寄會存之王仲弓

問春風何事。斷送繁紅。便拚歸去。牢落征塗。笑行人羈旅。一曲陽關斷雲殘。靄做渭城朝雨。欲寄離愁。綠陰千轉。黃鶯空語。遙想湖邊。浪搖空翠。絃管風高。亂花飛絮。曲水流觴。有山翁行處。翠袖朱闌。故人應也弄畫船。煙浦會寫相思。樽前爲我重翻新句。

臨江仙

癸卯次葛魯卿法華山勸酒韻

山半飛泉鳴玉珮。回波倒捲鮮鱗。醉巾聊濯十年塵。青山應卻怪。此段久無人。行樂應須賢太守。風光

過眼逡巡不辭常作坐中賓。只愁花解笑，衰鬢不宜春。

定風波

七月望。趙倅置酒與魯卿同。泛酒登駱駝橋待月。

千步長虹跨碧流。兩山浮影轉螭頭。付與詩人都總領。風景更逢仙客下瀛洲。嫋嫋涼風吹汗漫。平岸遙空新卷絳河收。卻怪嫦娥真好事。須記探支明月作中秋。

又

魯卿見和復荅

斜漢初看素月流。坐驚金餅出雲頭。華髮蕭然吹素

領。光景何妨分付屬滄洲。莫待霜花飄爛熳。蘋岸

樂府雅詞

卷中葉少蘊

至

更憑佳句盡拘收。解與破除消萬事。誰記一樽同得

二年秋。

八聲甘州

甲辰承詔堂知止亭初畢。工劉無言相過作。

寄知還倦鳥對飛雲。無心兩難齊。漫飄然欲去，悠然且止。依舊山西。十畝荒園未徧。趁雨卻鋤犁。敢忘隣家約。有酒同攜。况是崑前新創。帶小軒橫絕。松桂成蹊。試憑高東望。雲海與天低。送滄波、浮空千里。照斷霞明滅。卷晴霓。君休笑。此生心事。老更沉迷。

水龍吟

八月十三日與強少逸遊道場山。放舟中流。命工吹笛。舟尾迎月歸。

柂樓橫笛孤吹暮。雲散盡。天如水。人間底事。忽驚飛

簾水壺千里。玉樹風清。慢披遙卷。與天無際。料嫦娥  
此夜。殷勤偏照。知人在千山裏。常恨孤光易轉。仗  
多情使君料理。一盃起舞。曲終須寄。狂歌重倚。爲問  
飄流幾逢清影。有誰同記。但尊中有酒長追舊事。拚  
年年醉。

卜筮子

木芙蓉九日  
且盛開作

小雨洗新粧。豔豔驚衰眊。不趁東風取次開。待得清  
霜晚。曲港照回流。影亂微波淺。作態低昂好自持。  
水濶煙林遠。

水調歌頭

癸丑中  
秋作

樂府雅詞

卷中  
葉少蘊

五

河漢下平野。香霧捲西風。倚空千嶂橫起。銀闕正當  
中。常恨年年此夜。醉倒歌呼誰和。何事偶君同。莫恨  
歲將晚。容易感梧桐。覽清影。君試爲問天公。遙知  
玉斧初斲。重到廣寒宮。付與孤光千里。不遣微雲點  
綴。爲我洗長空。老去狂猶在。應未笑衰翁。

又

秋色漸將晚。霜信報黃花。小窗低戶深映。微路遶欹  
斜。爲問山翁何事。坐看流年輕度。拚卻鬢雙華。徙倚  
望滄海。天靜水明霞。念平昔。空飄蕩。徧天涯。歸來  
三徑重掃。松竹本吾家。卻恨悲風時起。冉冉雲間新

雁邊馬怨鳴笳。誰似東山老，談笑靜胡沙。

臨江仙

西園右春亭新成作

手種千株桃李樹，參差半已成陰。主人何事馬駸駸。二年江海路，空負種花心。試向中間安小檻，此還長要追尋。卻驚搖落動悲吟。春歸知早晚，爲我變層林。

又

乙卯八月九日南山絕頂作臺新成與客賞月作

絕頂參差千嶂列，不知空水相浮。下臨湖海見三州。落霞橫晚景，爲客小遲留。卷盡微雲天更濶，此行不負清秋。莫驚河漢近人流。青霄元有路，一笑倚瓊樓。

樂府雜詞

卷中葉少蘊

五

樓

又

明日與客復登臺再用前韻

一醉三年那易得，應須大白同浮。已知絕景是吾州。常娥仍有意，更肯爲人留。萬籟無聲遙夜永，人間未識清秋。從來我客盡風流。故知憐老子，尤勝在南樓。

又

明日小雨已而風大作復晚晴遂見月與客再登

卷地驚風吹雨去，卻看香霧輕浮。遙知清影徧南州。萬峯橫玉立，誰爲此山留。邂逅一歡須共惜，年年長記今秋。平生江海恨飄流。元龍真老懶，無意卧高樓。

樓

又

去歲中秋商山臺初成與徐敦立氏昆仲連三日極飲其上月色達旦無纖雲當作臨江仙三首今歲敦立在館中招章兌道朱三復會詔芳亭追懷去年之集復用舊

韻

作

一醉年年今夜月酒船聊更同浮恨無羯鼓打梁州  
遺聲猶好在風景一時畱老去狂歌君勿笑已拚  
雙鬢成秋會須擊節泝中流一聲雲外笛驚看水明  
樓

右贈坐客世傳梁州西涼府初進此曲會明皇游

月宮還記霓裳之音適相近因作羽衣曲以梁州

樂府雅詞

卷中  
葉少蘊

五

名之是夕約諸君明夜泛舟故云

又

草草一年真過夢此生不恨萍浮且令從事到青州  
已能從辟穀那更話封畱好月嘗尋當日約故人  
何啻三秋瑤琴欲寫竹間流此聲誰解聽空上仲宣  
樓

點絳脣

兩辰八月二十七日  
雨中與何彥亭小飲

山上飛泉漫流山下知何處亂雲無數畱得幽人住  
深閉柴門聽盡空簷雨秋還莫小窗低戶唯有寒

蛩語

菩薩蠻

已未五月十七日贈無住道人

經年不踏斜橋路。青山試問誰爲主。密葉轉迴風。寒泉落半空。此間無限興。可便荒三徑。明日下扁舟。滄波莫浪遊。

鷓鴣天

東坡嘗有詩曰。荷盡已無擎雨蓋。菊殘猶有傲霜枝。一年好景君須記。最是橙黃橘綠時。此非吳人無以知其爲佳也。余居有小池種荷。移植十本于池側。每秋晚常喜誦此句。因少增損。以鷓鴣天歌之。

樂府雅詞

卷中  
葉少蘊

五

一曲青山映小池。綠荷陰盡雨離披。何人解識秋堪美。莫爲悲秋浪賦詩。攜濁酒。遶東籬。菊殘猶有傲霜枝。一年好處君須記。正是橙黃橘綠時。

趙德麟

案趙令時字德麟有聊復集一卷

天仙子

宿雨洗空臺榭瑩。下盡珠簾寒未定。花開花落幾番晴。春欲竟。愁未醒。池面杏花紅透影。一紙短書言不盡。明月清風還記省。玉樓香斷又添香。閑展興。臨好景。心似亂萍何處整。

浣溪沙

劉平叔出家妓人八人絕藝乞詞贈之。脚絕。歌絕。琴絕。舞絕。

穩小弓鞋三寸羅。歌唇清韻一櫻多。燈前秀豔總橫波。指下鳴泉清杳渺。掌中回旋小婆娑。明朝歸路奈情何。

樂府雅詞

卷中

五

趙德麟

菩薩蠻

輕鷗欲下春塘浴。雙雙飛破春煙綠。兩岸野薔薇。翠籠薰繡衣。凭舷閒弄水。中有相思意。憶得去年時。水邊初別離。

又

長淮渺渺寒煙白。憑欄人是霜臺客。詩句妙春豪。風雲不啻高。樽前人已老。餘恨連芳草。一曲酒醒時。梧桐月欲低。

又

春風試手先梅蕊。頰姿冷豔明沙水。不受衆芳知。端

須月與期。清香閑自遠。先向釵頭見。雪後燕瑤池。  
人間第一枝。

好事近

急雨漲谿渾。小樹帶山秋色。輕棹暮天歸路。裊芙蓉  
煙白。酒醒香冷夢回時。蟲聲正淒絕。只覺小窗風  
月與昨宵都別。

小重山

樓上風和玉漏遲。秋千庭院靜。百花飛。午窗才起暖  
金卮。勻面了。闌畔看春池。何事苦顰眉。碧雲春信  
斷。儘來時。鴛鴦游戲鎮相隨。雲霧斂。新月掛天西。

樂府雅詞

卷中  
趙德麟

五

又

雨霽風高天氣清。玉盤浮出海。轉空明。小窗簾影冷  
如水。愁不寐。獨自傍堦行。情似浪頭輕。一番銷欲  
盡。一番生。無言惆悵到參橫。人欲起。鳴鳩幾聲鳴。

蝶戀花

欲減羅衣寒未去。不捲珠簾。人在深深處。紅杏枝頭  
花幾許。啼痕止恨清明雨。盡日沉煙香一縷。宿雨  
醒遲。惱破春情緒。飛燕又將歸信誤。小屏風上西江  
路。

又

卷絮風頭寒欲盡。墜粉飄香。日日紅成陣。新酒又添  
殘酒困。今春不減前春恨。蝶去鶯飛無處問。隔水  
高樓。望斷雙魚信。惱亂橫波秋一寸。斜陽只與黃昏  
近。

西江月

人世一場大夢。我生魔了十年。明窗千古探遺編。不  
救饑寒一點。更被維摩老子。不教此處容言。爐薰  
清炷坐安禪。物物頭頭顯現。

滿庭芳

玉枕生涼。金缸傳曉。敗葉飛破清秋。雨餘翻浪。渺渺  
阻行舟。暫繫汀洲側畔。風夜起。荻葉添愁。銀屏遠。龍  
香漸盡。還似夢揚州。更籌。何太永。當年情事。今日  
堪酬。最苦恨紅樓。笑我飄浮。爲寄相思細字。教字字  
愁蹙眉頭。淒涼久。漁人唱曉。隨月過橫溝。

清平樂

春風依舊。著意隨堤柳。搓得蛾兒黃欲就。天氣清明  
時候。去年紫陌青門。今宵雨魄。雲魂斷送。一生憔悴。  
只銷幾個黃昏。

思遠人

素玉朝來有好懷。一枝梅粉照人開。晴雲欲向盃中

起春色先從臉上來。深院落小樓臺。玉盤香篆看徘徊。須知月色撩人恨。數夜春寒不下階。

臨江仙

阿方初出

枝上粉香吹欲盡。依前庭院春風。更誰同遶摘芳叢。漏殘金獸冷。信斷錦屏空。看結燈花愁不睡。酒闌無夢相逢。淒涼長判一生中。不如雲外月。永夜在房櫺。

虞美人

光化道中寄家

畫船穩泛春波渺。夕雨寒聲小。紫煙深處數峯橫。鷺起一灘鷗鷺照。川明雨樓今夜歸期誤。恨入欄干

樂府雅詞

卷中  
趙德麟

堯

暮。可堪春事滿春懷。不似珠簾新燕早歸來。

浣溪沙

王晉卿筵上作

風急花飛晝掩門。一簾殘雨滴黃昏。便無離恨也銷魂。翠被任熏終不暖。玉盃慵舉幾番溫。箇般情事與誰論。

又

槐柳春餘綠漲天。酒旗高插夕陽邊。誰家牆裏笑鞦韆。往事不堪樓上看。新愁多向曲中傳。此情銷得是何年。

又

一朶夢雲驚曉鴉。數枝春雨帶梨花。坐來殘月冷牕紗。釵鳳謾會畱得半。枕山猶是枕時斜。對花今日奈天涯。

又

水滿池塘花滿枝。亂香深裏語黃鸝。東風輕軟弄簾幃。日正長時春夢短。燕交飛處柳煙低。玉窗紅子鬪碁時。

又

少日懷山老住山。一官休務得身閑。幾年食息白雲間。似我樂來真是少。見人忙處不相關。養真高靜

出塵寰。

樂府雜詞

卷中  
趙德麟

辛

鷓鴣天

前改張文潛詩但有此四句正爲咸平劉生作余作後改爲鷓鴣天贈之

可是相逢意便深。爲郎巧笑不須金。門前一尺春風。鬢窗內三更夜雨衾。情渺渺。信沉沉。青鸞無路寄芳音。山城鍾鼓愁難聽。不解襄王夢裏尋。

又

藍長輔知蜀舟中晚坐會上行

麝發雕爐小袖籠。天教我輩此時同。櫟經霜重香方滿。菊到秋深色自濃。船檻內。月明中。插花歸去莫匆匆。人生更在艱難內。勝事年來不易逢。

王履道

萊王安中字履道中山人有初寮集七十四卷初寮詞一卷

臨江仙

鳳撥鶻絃鳴永夜。真疑人在潯陽。輕雲薄霧隔新粧。但聽兒女語。倏忽變軒昂。且看金泥花郭面。指痕初印紅柔。幾多餘煖與真香。彩船猶自可。卷幕又何妨。

清平樂

煙雲千里。一抹西山翠。碧瓦紅樓山對起。樓下飛花流水。錦堂風月依然。後池蓮葉田田。縹緲貫珠歌裏。從容倒玉樽前。

樂府雜詞

卷中

空

御街行

謝賜衣襖

清霜飛入蓬萊殿。別進雲裘軟。卻回宸意口。

初寮詞作念

多寒。詔語日邊親遣。冰蠶綿厚金鵬錦好。永夜縫宮綵。紅旌絳旆迎星傳。喜氣歡聲遠。廟堂勲舊使臺。

賢領袖坐中爭綯。天香馥馥。君恩歲歲。一醉春生面。

木蘭花

送耿太尉

堯天雨露承新詔。珂馬風生趨急召。玉符曾將虎牙軍。金殿還陞龍尾道。征西鎮北功成早。仗鉞登臺今未老。樽前休更說燕然。且聽陽關三疊了。

清平樂

花時微雨未減春分數。占取簾疎花密處。把酒聽歌金縷。斜風輕度濃香。閑情正與春長。向晚紅燈入坐。嘗新青杏催觴。

小重山

椽燭垂珠清漏長。酒黏衫袖濕有餘香。紅牙雙捧旋排行。將歌處。相向更勻粧。明月映東墻。海棠花徑密。迸流光。遲留春筍緩催觴。蘭堂靜。人已候虛廊。

水龍吟

游池作三月十六日觀水嬉上梁鳳池。案初寮詞云游御河並過壓沙寺。

魏臺長樂坊西。畫樓倒影煙波遠。東風與染。採藍春

樂府雅詞

卷中  
王履道

空

水灣環清淺。浴鷺翹莎戲吹飛絮。初寮詞作戲魚吹絮落紅漂卷。爲遊人盛。縱蘭舟綵舫。飛輕棹。凌波面。樂事年來乍見。趁旌旗。谷鶯嬌轉。追隨况有珠簾紅袖。濃香紺噀。蕭寺高亭。茂林斜照。且畱芳宴。韶華爛向樽前放手。作梨花晚。

蝶戀花

翠袖盤花金撚線。曉炙銀簧。勸初寮作歡飲隨深淺。複幕重簾誰得見。餘曛微覺紅浮面。別喚清商開綺宴。玉管雙橫。抹起梁州遍。白紵歌前寒莫怨。湘梅萼裏

春郵遠。

春郵遠

又

千古銅臺今莫問。流水浮雲。歌舞西陵近。煙柳有情  
看不盡。東風約定年年信。天與麟符行樂分。帶緩  
裘輕雅宴催雲鬢。翠霧縈紆銷篆印。箏聲恰度秋鴻  
陣。

江神子

寄李祖武  
翟淳老

荷花遮水。水漫溪。柳低垂。亂蟬嘶。捨轡何妨臨水照  
征衣。一扇香風搖不盡。人念遠。意凄迷。騎鯨仙子  
已相知。數歸期。賦新詩。更想翟公門外雀羅稀。陶令  
此襟塵幾許。聊欲向北窗披。

樂府雅詞

卷中  
王履道

三

虞美人

贈李士美

清商初入昭華瑁。宮葉秋聲滿。草麻初罷月嬋娟。想  
見明朝喜色動天顏。持盃滿勸龍頭客。榮遇時方  
得。詞源三峽瀉瞿塘。便是醉中宣去也無妨。

洞仙歌

深庭夜寂。但涼蟾如晝。鵲起高槐露華透。聽曲樓玉  
筩吹徹涼州。一作伊州金釧響。軋軋朱扉暗扣。迎人巧  
笑道。好箇今宵。怎不相尋暫攜手。見淡淨、晚粧殘。對  
月偏宜。多情更越。饒纖瘦。甚一作怨早促分飛。霎時休

便恰似陽臺夢雲歸後。

一絡索

送王伯紹帥慶陽

塞柳未傳春信。霜花侵鬢。送君西去指秦關。看日近長安近。玉帳同時英俊。合離無定。路逢新鴈北飛來。寄一字燕山問。

六花隊冬詞蝶戀花并口號

長春花口號

露桃煙杏逐年新。回首東風迹已陳。頃刻開花公莫問。四時俱好是長春。

詞

曲徑深叢枝裊裊。暈粉柔綿。破萼烘清曉。十二番開

樂府雅詞

卷中

十四

寒最好。此花不恨春歸早。霜女飛來紅翠少。特地芳菲絕豔驚衰草。只殢東風終甚了。久長欲伴姮娥老。

山茶口號

無窮芳草度年華。尚有餘寒幾種花。好在朱朱兼白白。一天飛雪映山茶。

詞

巧翦明霞成片片。欲笑還顰。金藥依稀見。拾翠人寒粧易淺。濃香別注唇膏點。竹雀喧喧煙岫遠。晚色溟濛。六出花飛遍。此際一枝紅綠眩。畫工誰畫雲屏

面

蠟梅口號

雪裏園林玉作臺，侵寒須認暗香回。化工清氣先誰得，風格高奇是蠟梅。

詞

翦蠟成梅天著意，黃色濃濃對萼勻裝綴。百和薰肌香旖旎，仙裳應灑薔薇水。雪徑相逢人半醉，手折低枝擁髻雲爭翠。馥蘂燃枝無限思，玉眞未洒梨花淚。

紅梅口號

樂府雅詞

卷中  
王履道

奎

千林臘雪綴瑤瑰，晴日南枝暖獨回。卻為和羹尋鼎實，未春先發是紅梅。

詞

青玉枝頭紅顙吐，粉頰愁寒濃與燕脂傳。辨杏猜桃君莫誤，天姿不到風流處。雲破月來花上任，要共佳人弄影參差舞。只有暗香來繡戶，昭華一曲驚吹去。

迎春口號

年華節物欲爭新，翠袖朱顏一笑頻。勾引東風到池館，春花先一作春前花自有迎春。

詞

雪霽花梢春欲到。殘臘迎春。一夜花開早。青帝回輿  
雲縹緲。鮮鮮金雀來飛繞。繡閣紗窗人嬾嬾。翠縷  
紅絲。鬪翦番兒小。戴在花枝爭笑道。願人常共春難  
老。

小桃口號

鴛瓦鋪霜朔吹高。畫堂歌筵醉香醪。小春特地風  
光好。嫩粉嬌紅看小桃。

詞

穠豔天桃春信漏。弄粉飄香。楓葉飛丹後。酒入冰肌

樂府雅詞

卷中  
王履道

空

紅欲透。無言不許羣芳鬪。欄外佳人呵玉手。

初寮詞作

擡翠翦落金刀。插處濃雲覆。肯與劉郎仙去否。武陵

回首相思瘦。

小桃口號

雪霽花梢春欲到。殘臘迎春。一夜花開早。青帝回輿

雲縹緲。鮮鮮金雀來飛繞。繡閣紗窗人嬾嬾。翠縷

紅絲。鬪翦番兒小。戴在花枝爭笑道。願人常共春難

老。

晁次膺

案晁端禮字次膺有閒適集一卷

水龍吟

夜來深雪前村路。應是早梅先綻。故人贈我江頭春信。南枝向暖。疎影橫斜。暗香浮動。月明清淺。向庭邊驛畔。行人立馬。頻回首。空腸斷。別有玉溪仙館。壽陽人。初勻粧面。天教占了。百花頭上。和羹未晚。最是關情處。高樓上。一聲羌管。仗誰人。向道爭如畱取倚朱欄看。

又

嶺梅香雪飄零。盡紅杏枝頭猶未。小桃一種。天饒偏

樂府雅詞

卷中  
晁次膺

空

占春工用意。微噴丹砂。半含朝霧。粉牆低倚。正春寒露井。高樓簾外。爭凝睇。東風裏。好是佳人半醉。近橫波。一枝嬌媚。元都觀裏。武陵溪上。空隨流水。惆悵妖紅。雨風不定。五更天氣。念當年。門裏如今陌上。洒離人淚。

又

別本云周  
紫芝作

小桃零落春將半。雙燕卻來池館。名園相倚。初開繁杏。一枝遙見。竹外斜穿。柳間深映。粉愁香怨。任紅欵宋玉。墻頭十里。曾牽惹。人腸斷。嘗記山城斜路。噴清香。日遲風暖。春陰趁後。馬前惆悵。滿枝紅一作淺。

深院簾垂雨。愁入處。碎紅千片。到明年。更發多應更好。約隣翁看。

滿庭芳

天與疎慵人。憐憔悴。分甘拋棄。簪纓。有時乘興。波上葉舟輕。十里橫塘過雨。荷香細。蘋末風清。眞如畫。殘霞淡日。偏向柳梢明。凝情塵網外。鱸魚旋鱠。芳酒深傾。又算來。何須身外浮名。無限滄浪好景。篔簹笠下。且遣餘生。長歌去。機心盡矣。鷗鷺莫相驚。

又

綠遶羣峯。紅搖千柄。夜來暑雨初收。共君乘興。輕舸

樂府雅詞

卷中  
晁次膺

空

信悠悠。且盡一樽別酒。荷香裏。滿酌輕甌。明朝去。征帆夜落。何處好汀洲。風流吾小阮。朝辭東觀。夕向南州。况聖時。爭教賈傅淹留。若遇潯陽亭上。琵琶淚。莫灑清秋。堤邊柳。從今愛惜。畱待繫歸舟。

又

雪滿貂裘。風搖金轡。笑看錦帶吳鉤。照人青鬢。年少定封侯。此去馬蹄何處。山萬疊。濟水南州。君知否。盧郎未老。曾是恣狂遊。風流佳麗地。十年屈指。一夢回頭。最難忘。西湖北渚。澄秋玉砌。雕欄好在。桃共李。會憶人否。衰翁也。多情爲我。將恨寄紅樓。

又

北渚澄瀾。南山凝翠。望中渾是仙鄉。萬家煙靄。朱戶鎖垂楊。好似飛泉漱玉。迴環遍小曲深坊。西風裏芙蓉帶雨飄散滿城香。微涼湖上好。橋虹倒影。月練飛光。命玳簪促席雲鬢分行。誰似風流太守。端解道春草池塘。須畱戀神京縱好。此地也難忘。

鴨頭綠

錦堂深。獸爐一噴沉煙。紫檀槽。金泥花面。美人斜抱當筵。掛羅綬。素肌瑩玉。近鸞翅。雲鬢梳蟬。玉笋輕籠魚紋細。抹鳳凰飛出四條絃。碎牙板。煩襟消盡。秋氣滿庭軒。今宵月依稀向人。欲鬪嬋娟。變新聲能翻往事。眼前風景依然。路漫漫。漢妃出塞。夜悄悄。商婦移船。馬上愁思。江邊怨感。分明都向曲中傳。困無力。勸人金盞。須要倒垂蓮。拚沉醉。身世恍然。一夢遊仙。

又

晚雲收。淡天一片琉璃。爛銀盤來從海底。皓色千里澄輝。瑩無塵。素娥澹泞靜可數。丹桂參差。玉露初零。金風未凜。一年無似此佳時。向坐久。疎星時度。烏鵲正南飛。瑤臺冷。欄干凭暖。欲下遲遲。念佳人音塵隔後。對此應解相思。最關情。漏聲正永。暗斷腸。花影

樂府雅詞

卷中  
晁次膺

完

潛移料得來宵清光未減陰晴天氣又爭知共凝戀  
如今別後還是隔年期人縱健清樽素月長願相隨  
清平樂  
深沉玉宇枕簟清無暑睡起花陰初轉午一霎飛雲  
過雨雨餘隱隱殘雷夕陽卻照庭槐莫把珠簾垂  
下妨他雙鸞歸來

醉桃源

又是青春將暮望極桃源歸路洞戶悄無人空鎖一  
庭紅雨凝佇凝佇人面不知何處

行香子

樂府雅詞  
卷中  
晁次膺  
字  
別恨綿綿屈指三年再相逢情分依然君初霜鬢我  
已華顛况其間有多少恨不堪言小亭幽檻菊蕊  
爛斑近清宵月已嬋娟莫思身外且鬪樽前願花長  
好身長健月長圓

驀山溪

風流心膽直把春償酒選得一枝花綺羅中算來未  
有名園翠苑風月最佳時夜迢迢車欸欸是處會攜  
手重來一夢池館皆依舊幽恨寫新詩托何人章  
臺問柳漁舟歸後雲鎖武陵溪水潺湲花片片艤棹  
空回首

又

輕衫短帽重入長安道。屈指十年中。一迴來。一迴漸。  
各朋游在否。落托更能無。朱絃悄。知音少。撥斷相思。  
調。花邊柳外。蕭酒愁重。到深院鎖春風。悄無人。桃  
花自笑。金釵一股。擬欲問音塵。天杳杳。波渺渺。何處  
尋蓬島。

菩薩蠻

午陰未轉晴窗暖。無風著地楊花滿。睡起日猶長。捲  
簾紅杏香。春心無處定。又作花時病。芳草伴離愁。  
綿綿早晚休。

樂府雅詞

卷中  
見次膺

圭

又

百花未報芳菲信。一枝探得春風近。只有雪爭光。更  
無花似香。孤標天賦與。冷豔誰能顧。庭院好深藏。  
莫教開路傍。

又  
詞

捲簾風入雙雙燕。雙雙入風簾捲。明月曉啼鶯。  
啼曉月明。斷腸空望遠。遠望空腸斷。樓上幾多愁。  
愁多幾上樓。

又

遠山眉映橫波臉。臉波橫映眉山遠。雲鬢插花新。

花插鬢雲。斷魂離思遠。遠思離魂斷。門掩未黃昏。  
昏黃未掩門。

少年遊

建溪靈草已先嘗。歡意尚難忘。未放笙歌暫畱簪珮。  
猶有紫芝湯。醉中纖手殷勤捧。欲去斷人腸。絳蠟  
迎歸繡鞍扶下。笑語盡聞香。

樂府雅詞

卷中  
晁次膺

七

晁叔用

案范冲之字叔用一字用道鉅野人有其英集十五卷詞一卷

漢宮春

黯黯離懷向東門繫馬南浦移舟薰風亂飛燕子時  
下輕鷗無情渭水問誰教日日東流常是送行人去  
後煙波一向離愁回首舊遊如夢記踏青鞵飲拾  
翠狂遊無端綵雲易散覆水難收風流未老拚千金  
重入揚州應又是當年載酒依前名占青樓

玉蝴蝶

日斷江南千里灞橋一望煙水微茫盡鎖重門人去  
暗度流光雨輕輕梨花院落風淡淡楊柳池塘恨偏

樂府雅詞

卷中 晁叔用

圭

長珮沉湘浦雲散高唐清狂重來一夢手搓梅子  
煮酒初嘗寂寞經春小橋依舊燕飛忙玉鈎欄凭多  
漸暖金縷枕別久猶香最難忘看花南陌待月西廂

感皇恩

一作周邦彥作

小閣倚晴空數聲鐘定斗柄寒垂暮天淨朝來殘酒  
盡被曉風吹醒眼前還認得當時景舊恨與新愁

一作往事舊歡不堪重省自歎多情更多病綺筵猶在  
一作綺窗

舊敲遍闌干誰應斷腸明月下梅搖影

又

蝴蝶滿西園啼鶯無數水閣橋南路凝佇兩行煙柳

吹落一池飛絮。秋千斜掛起。人何處。把酒勸君開。  
愁莫訴。畱取笙歌住。休去。幾多春色。禁得許多風雨。  
海棠花謝也。君知否。

又

寒食不多時。牡丹初賣。小院重簾燕飛颺。昨宵風雨。  
只有一分春在。今朝猶自得。陰晴快。熟睡起來。宿  
醒微帶。不惜羅襟搵眉黛。日高梳洗。看著花陰移改。  
笑摘雙杏子。連枝戴。

臨江仙

雙舸亭亭橫晚渚。城中飛觀嵯峨。畫橋燈火照清波。

樂府雅詞

卷中  
晁叔用

七

玉鈎平浸水。金鎖半沉河。試問無情堤上柳。也應  
厭聽離歌。人生無奈別離何。夜長嫌夢短。淚少怕愁  
多。

又

憶昔西池池上飲。年年多少歡娛。別來不寄一行書。  
尋常相見了。猶道不如初。安穩錦屏今夜夢。月明  
好渡江湖。相思休問定何如。知情春去後。管得落花  
無。

又

謾道追歡惟九日。年年此恨偏濃。今朝吹帽與誰同。

黃花都未折，和淚泣西風。應念一作悲登臨腸更斷，故交煙雨迷空。爲君一曲送飛鴻，誰能推轂我深入醉鄉中。

漁家傲

浦口潮來沙尾漲，危檣半落帆浮。一作游漾水調不知何處唱，風飄一作淡蕩，鰈魚吹起桃花浪。雪盡小橋梅總放，層樓一任愁人上。萬里長安回首望，山四向，澄江日色如春釀。

傳言玉女

一夜東風吹散柳梢殘，雪御樓煙暖，正鼇山對結簫

樂府雅詞

卷中  
晁叔用

七

鼓向晚，鳳輦初歸宮闕，千門燈火九街風月。繡閣人人乍嬉遊，困又歇。笑勻粧面。一作豔把珠簾半揭，嬌波向人，手撚玉梅低說，相逢常是上元時節。

如夢令

簾外新來雙燕，珠閣瓊樓穿遍。香徑得泥歸，飛戲池塘波面。誰見誰見，春晚昭陽宮殿。

又

牆外輓轡金井，驚夢曹騰初省。深院閉斜陽，燕入陰簾影。人靜人靜，花落烏啼風定。

又

門在垂楊陰裏樓枕曲江春水一陣牡丹風香壓滿  
園花氣沉醉沉醉不記綠窗先暈

樂府雅詞

卷中  
見叔用

美

樂府雅詞卷中終

